

Protocol no. 94
Sezzüda da lündeschdi, 28 marz 2011, 20.00 – 22.45

Preschaints: Jon Carl Rauch; Chasper Alexander Felix, Jachen Andri Schmidt e Rico Zini (protocol)

S-chüsats: Marianne Werro-Lehmann e Georg Salomon

Protocol

Il protocol no. 93 da la sezzüda dals 21 marz 2011 vain approvà.

806 021 FABRICA
Jacques Jud – Divers müdamaints – Sala 244 A

Il Cussagl cumünal decida da dar il permiss da fabrica sguaintamaing:

1. Tenor la dumonda acclusa al permiss da fabrica.
2. Las indicaziuns da la pulizia da fö sun part integralas dal permiss da fabrica.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
4. Il cumün inchascha seguainta taxa da trattamaint: fr. 100.--.

807 021 FABRICA
Valentin Crastan – Ingrondimaint abitaziun e garascha – Curtin 18

Il Cussagl cumünal decida da dar il permiss da fabrica sguaintamaing:

1. Tenor la dumonda acclusa al permiss da fabrica.
2. Las indicaziuns da la pulizia da fö sun part integralas dal permiss da fabrica.
3. Il Cumün inchascha seguaintas taxas tenor il reglamaint da taxas e sia agiunta:
 - taxa da trattamaint fr. 300.--.
 - taxa d'attach d'aua, prov. 1.5 % fr. 4'500.--.
 - taxa d'attach chanalisaziun e sarinera, prov. 2.0 % fr. 6'000.-- excl. ipv.
 - taxa d'attach provedimaint electric, prov. 1.0 % fr. 3'000.-- excl. ipv.
4. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
5. In connex culla correctura da la piazza per l'entrada da la garascha nu das-cha il sistem da l'aua meteora gnir donnagià. L'aua da la piazza sto davopro pudair cular sainza far dons a terz.
6. La lobia sün tet nu das-cha, causa ch'ella nu's cunfà culla ledscha da fabrica, gnir eretta.
7. Las etappas dumondadas dal patrun da fabrica nu pon gnir fattas bunas. Culla fabrica s'haja da cumanzar infra ün on. Ün fabricat cumanzà sto esser a fin, cumprais la fuormaziun dals contuorns, infra duos ons.

808 021 FABRICA
Publicaziuns da fabrica

Il Cussagl cumünal decida in avegnir da publicar las dumondas da fabrica be plü illas chaistas nairas da publicaziuns ed aint l'internet. Cun quista masüra gnissa spargnä pels patrüns da fabrica sco eir pels mansterans per bain quant temp d'aspet per survgnir ün permiss da fabrica. Tenor nos jurist cumünal es quista müdada da la pratcha, per üna grondezza sco Sent, sainz' oter pussibla. Implü decida il Cussagl cumünal da montar a Crusch ed eir a Sur En üna chaista naira per las publicaziuns.

809 860 PROVEDIMAINTE ELECTRIC
Demontar e montar la lingia libra Vnä – Zuort

Il Cumün da Ramosch ha l'intenziun da tagliar bos-cha i'l cuntegn da Muntaditsch. Per transportar la laina han els da trar fils. Il Cumün da Sent es sco patrun da la lingia libra d'electric in dovair da demontar e da montar quella lingia pel scopo manzunà survart. Per far quella lavur conceda il Cussagl cumünal ün credit da fr. 6'000.--.

810 02 ADMINISTRAZIUN
Cudesch da Sent „Siedlungsinventar“

Il cudesch manzunà aint il tiul es exhaust. Il Cussagl cumünal decida da dumandar a la chüra da monumaints sch'els füssan intenziunats da reveder il cudesch da l'inventar da las chasas. Scha quai nu vess dad esser il cas gnarà restampà il cudesch actual.

811 620.314.04 Mantegniment da las alleas
Föglia da las alleas

l's dumonda adüna darcheu chi chi ha da rumir sü las föglias croudadas illa prada da las alleas. Tenor il Cussagl cumünal ed tenor infuormaziuns dal Ütil public es quai e resta sco üsità, la chosa dals paur.

812 790 PLANISAZIUN DAL TERRITORI
Gruppa da lavur PEB (2. abitaziuns)

Il Cussagl cumünal repassa il palperi da la Pro Engiadina Bassa a regard variantas pussiblas pels cumüns pertocs illa region.

813 02 ADMINISTRAZIUN
Eleczion chanzlista

Claudia Luppi, eletta in quista piazza, ingrazcha fich per l'elecziun e per la fiduzcha demuossada invers ella.

814 810 ADMINISTRAZIUN FORESTALA
Eivnas da god

Las eivnas da god han lö quist on dals 6 – 11 gün 2011. Dal 2011 es l'on dals gods e la bes-cha da l'on es il pichalain. Quists temas gnaran profuondüts. Il Cussagl cumünal spetta ün preventiv per quists dis.

815 340 SPORT
Champiuna svizra da l'OJ da skis

Arina Riatsch ha guadagnà pro las maestranzas svizras da skis in sia categoria 3 medaglias d'or. Sinceras gratulaziuns.

L'actuar: